



賦
499
7

脉經卷之八

平卒尸厥脉證第一 凡一條

寸口沉大而滑。沉則為實。滑則為氣。實氣相傳。血氣入于藏即死。入于肺腑即愈。此為卒厥。不知人。唇青身冷。為入藏即死。如身温和。汗自出。為入腑而復自愈。

平瘧濕暍脉證第二 凡二十七條

太陽病發熱無汗。而反惡寒者。名剛瘧。瘧一作太陽病發熱汗出。而不惡寒者。名柔瘧。瘧一作惡寒

松井家藏

太陽病發熱其脉沉而細者為瘧。

太陽病發熱其汗因致瘧。論云發其汗太多因致瘧。病者身

熱足寒。頸項強急。惡寒時。頭熱面赤。目脉赤。獨

頭動搖者為瘧。論云獨頭一面搖。卒口

太陽病無汗而小便反少。氣上衝胸。口噤不得

語。欲作剛瘧。葶根湯主之。

剛瘧為病。胸滿口噤。卧不着席。脚攣急。其人必

齟齬。可與大承氣湯。

瘧病發其汗已。其脉泠泠如蛇。暴腹脹大者為

如解。脉如故。反復弦者。必瘧。一云瘧脉

瘧來。按之築築而弦。直上下行。

瘧家其脉伏。堅直上下。

夫風病下之。則瘧復發。其汗必拘急。

太陽病其證備。身體強。几几然。脉沉遲。此為瘧。

括萸桂枝湯主之。

有灸瘧難療。

瘧家雖身疼痛。不可發其汗。汗出則瘧。

太陽病關節疼煩。脉沉而煩者。為中濕。論云。中

濕為濕

痺濕痺之候其人小便不利大便反快但當利其小便

病者一身盡疼一云發熱日晡即劇此為風濕

汗出所致也論云此病傷于汗出當風或久傷取冷所致

濕家之為病一身盡痛發熱而身色似熏黃也

濕家之為病其人但頭汗出而背強欲得被覆

向火若下之蚤則吐或胸滿小便不利一云舌

上如胎此為丹田有熱胸上有寒渴欲飲而不能飲則口燥也

濕家下之額上汗出微喘小便利一云不利者死若下

利不止者亦死

問曰風濕相搏身體疼痛法當汗出而解值天

陰雨不止師云此可發汗而其病不愈者何也

答曰發其汗汗大出者但風氣去濕氣續在是

故不愈若治風濕者發其汗微微似欲出汗者

則風濕俱去也

濕家身煩疼可與麻黃湯加朮四兩發其汗為

宜慎不可以火攻之

風濕脉浮身汗出惡風者防已湯主之

病人喘頭疼鼻塞而煩其脉大自能飲食腹中
和無病病在頭中寒濕故鼻塞內藥鼻中即愈
論云濕家病身疼痛發熱面黃而喘頭痛鼻塞而煩

傷寒八九日風濕相搏身體疼痛不能自轉側
不嘔不渴脉浮虛而澀者桂枝附子湯主之若
其人太便秘小便自利者朮附子湯主之
風濕相搏骨節疼煩掣痛不得屈伸近之則痛
劇汗出短氣小便不利惡風不欲去衣或身微
腫者甘草附子湯主之

太陽中熱暍是也其人汗出惡寒身熱而渴也
白虎湯主之

太陽中暍身熱疼重而脉微弱此以夏月傷冷
水水行皮膚中所致也瓜蒂湯主之

太陽中暍發熱惡寒身重而疼痛其脉弦細孔
遲小便已洒洒然毛聳手足厥冷小有勞身熱
口前開板齒燥若發其汗惡寒則甚加溫針則
發熱益甚數下之淋復甚

平陽毒陰毒百合狐惑脉證第三 凡七條

陽毒為病。身重腰背痛。煩悶不安。狂言或走。或見鬼。或吐血下痢。其脉浮大數。面赤斑斑如錦文。咽喉痛。唾膿血。五日可治。至七日不可治也。有傷寒一二日。便成陽毒。或服藥吐下。後變成陽毒。升麻湯主之。

陰毒為病。身重背強。腹中絞痛。咽喉不利。毒氣攻心。心下堅強。短氣不得息。嘔逆唇青。面黑。四肢厥冷。其脉沉細緊數。身如被打。五六日可治。至七日不可治也。或傷寒初病一二日。便結成

陰毒。或服藥六七日以上。至十日。變成陰毒。甘草湯主之。

百合之為病。其狀常默默。欲卧復不能卧。或如強健。人欲得出行。而復不能行。意欲得食。復不能食。聞飲食臭。時如寒。無寒。如熱。無熱。朝至口。若小便赤黃。身形如和。其脉微數。百脉一宗。悉病。各隨症治之。

百合病見于陰者。以陰法救之。見于陽者。以陽法救之。見陽攻陰。復發其汗。此為逆。其病難治。

見陰攻陽乃復下之此亦為逆其病難治千金方云
見在于陰而攻其陽則陰不得解也復發其汗為逆也見在于陽而攻其陰則陽不得解也復下之其病不愈

狐惑為病其氣如傷寒默默欲眠目不得閉卧起不安蝕于喉為惑蝕于陰為狐狐惑之病並不欲飲食聞食臭其面自乍赤乍白乍黑其毒于上者則聲喝其毒蝕于下部者則咽乾蝕于上部瀉心湯主之蝕于下部苦參湯淹洗之食于肛者雄黃熏之喝一作夏

其人脉數無熱微煩默默欲卧汗出初得三四日目赤如鳩眼得之七八日目四眦黃黑若能食者膿已成也赤小豆當歸散主之

病人或從呼吸上蝕其咽或從下膈蝕其肛陰蝕上為惑蝕下為狐狐惑病者猪苓散主之

平霍亂轉筋脉證第四 九二條

問曰病有霍亂者何師曰嘔吐而利此為霍亂問曰病者發熱頭痛身體疼惡寒而復吐利當屬何病師曰當為霍亂霍亂吐利止而復發熱

也。傷寒其脉微澀。本是霍亂。今是傷寒。却四五日至陰經。陽轉入陰。必吐利。轉筋為病。其人臂脚直。脉上下行。微弦。轉筋入腹。雞屎白散主之。

平中風歷節脉證第五 九九條

夫風之為病。當半身不遂。或但臂不遂者。此為痺。脉微而數。中風使然。頭痛脉滑者。中風風脉虛弱也。寸口脉浮而緊。緊則為寒。浮則為虛。虛寒相搏。

邪在皮膚。浮者血虛。絡脉空虛。賊邪不瀉。或左或右。邪氣反緩。正氣則急。正氣引邪。啗僻不遂。邪在于絡。肌膚不仁。邪在于經。則重不勝。邪入于腑。則不識人。邪入于藏。舌即難言。口吐涎。寸口脉遲而緩。遲則為寒。緩則為虛。榮緩則為血亡。衛遲則為中風。邪氣中經。則身癢。而癢癢。心氣不足。邪氣入中。則胸滿而短氣。跌陽脉浮而滑。滑則穀氣實。浮則汗自出。少陰脉浮而弱。弱則血不足。浮則為風。風血相

搏則疼痛如掣

盛人脉濇小短氣自汗出歷節疼不可屈伸此皆飲酒汗出當風所致也

寸口脉沉而弱沉則主骨弱則主筋沉則為腎弱則為肝味酸則傷筋筋傷則緩名曰泄鹹則傷骨骨傷則痿名曰枯枯泄相傳名曰斷泄榮氣不通衛不獨行榮衛俱微三焦無郛四屬斷絕身體羸瘦獨足腫大黃汗出脛冷假冷發熱便為歷節也病歷節疼痛不可屈伸烏頭湯主之

之

諸肢節疼痛身體痲痺脚腫如脫頭眩短氣温温欲吐桂枝芍藥知母湯主之

平血痺虛勞脉證第六 九十四條

問曰血痺從何得之師曰夫尊榮人骨弱肌膚盛重因疲勞汗出起卧不時動搖如被微風遂得之形如風狀巢原云其狀如被微風所吹但其脉自微濇在寸口關上小緊宜針引陽氣令脉和緊去則愈

血痺陰陽俱微寸口關上微尺中小緊外症身體不仁如風落黃芪桂枝物湯主之

男子平人脈大為勞極虛亦為勞

男子勞之為病其脈浮大手足煩熱春夏劇秋冬差陰寒精自出足酸削不能行少陰虛滿

人年五十六十其病脈大者痺俠背行苦腸鳴

馬力俠瘦者皆為勞得之

男子平人脈虛弱微細者喜盜汗出也

男子面色薄者主渴及亡血卒喘悸其脈浮者

裏虛也

男子脈虛沉弦無寒熱短氣裏急小便不利面色白時時目眩此人喜衄少腹滿此為勞使之

然

男子脈微弱而澀為無子精氣清冷

夫失精家少腹弦急陰頭寒目眩痛一云目眩髮落

脈極虛芤遲為清穀亡血失精

脈得諸芤動微緊男子失精女人夢交通桂枝

加龍骨牡蠣湯主之

脉沉小遲名脫氣其人疾行則喘渴手足逆寒腹滿甚則溇泄食不消化也

脉弦而大弦則為臧大則為芤臧則為寒芤則為虛寒虛相搏此名為革婦人則半產漏下男子則亡血失精

平消渴小便利淋脉證第七 九七條

師曰厥陰之為病消渴氣上衝心中疼熱飢而不欲食食即吐下之不肯止

寸口脉浮而遲浮則為虛遲則為勞虛則衛氣

不足遲則榮氣竭

跌陽脉浮而數浮則為氣數則消穀而緊要畧緊作

失堅氣盛則溲數溲數則緊要畧緊相搏則為消

渴男子消渴小便反多以飲一斗小便一斗腎

氣丸主之

師曰熱在一作結下焦則溺血亦令人淋閉不通

淋之為病小便如粟狀少腹弦急痛引臍中

寸口脉細而數數則為熱細則為寒數為強吐

跌陽脉數胃中有熱則消穀引食大便必堅小

便則數

少陰脉數。婦人則陰中生瘡。男子則氣淋。淋家不可發汗。發汗則必便血。

平水氣黃汗氣分脉證第八 凡二十八條

師曰。病有風水。有皮水。有正水。有石水。有黃汗。風水其脉自浮。外證骨節疼痛。其人惡風。皮水其脉亦浮。外證附腫。按之没指。不惡風。其腹如鼓。如鼓如故。不滿。不渴。當發其汗。正水其脉沉遲。外證自喘。石水其脉自沉。外證腹滿。不喘。黃汗其

脉沉遲。身體發熱。胸滿。四肢頭面腫。久不愈。必致癰膿。

浮脉而洪。浮則為風。洪則為氣。風氣相搏。風強則為癰癢。身體為癢。癢為泄風。久為痂癩。氣強則為水。難以俛仰。風氣相擊。身體洪腫。汗出乃愈。惡風則虛。此為風水。不惡風者。小便通利。上

膈有寒。其口多涎。此為黃汗。寸口脉沉滑者。中有水氣。面目腫大有熱。名曰風水。視人之目裏上微擁。如新臥起狀。其頸脉

動時時欬。按其手足上陷而不起者。風水太陽病。脉浮而緊。法當骨節疼痛。而反不痛。身體反重而酸。其人不可發汗。汗出即愈。此為風水惡寒者。此為極虛。發汗得之。渴而不惡寒者。此為皮水。身腫而冷。狀如周痺。胸中空。不能食。反聚痛。暮躁不眠。此為黃汗。痛在骨節。欬而喘。不渴者。此為脾脹。其形如腫。發汗即愈。然諸病此者。渴而下利。小便數者。皆不可發汗。

風水其脉浮。浮為在表。其人能食。頭痛汗出表。

無他病。病者言但下重。故從腰以上為和。腰以下當腫及陰。難以屈伸。防已黃耆湯主之。

脉浮。身重。汗出惡風者。防已黃耆湯主之。

風水惡風。一身悉腫。脉浮不渴。續自汗出而無大熱者。越脾湯主之。

師曰。裏水者。一身面目洪腫。其脉沉。小便不利。故令病水。假如小便自利。亡津液。故令渴也。越婢加朮湯主之。

一云皮水其脉沉。頭面浮腫。小便不利。故令病水。假如小便自利。亡津液。故令渴也。

皮水之為病。四肢腫。水氣在皮膚中。

利。亡津液。故令渴也。

皮水之為病。四肢腫。水氣在皮膚中。

故令渴也。

四肢聶聶動者防已茯苓湯主之。

跌陽脈當伏今反緊本自有寒疝瘕腹中痛醫反下之下之則胸滿短氣

跌陽脈當伏今反數本自有熱消穀一作消渴小便數今反不利此欲作水

寸口脈浮而遲浮脈熱遲脈潛熱潛相搏名曰沉跌陽脈浮而數浮脈熱數脈止熱止相搏名曰伏沉伏相搏名曰水沉則絡脈虛伏則小便難虛難相搏水走皮膚則為水矣

寸口脈弦而緊弦則衛氣不行衛氣不行則惡寒水不沾流走在腸間

少陰脈緊而沉緊則為痛沉則為水小便即難師曰脈得諸沉者當責有水身體腫重水病脈出者死

夫水病人目下有卧蠶面目鮮澤脈伏其人消渴病水腹大小便不利其脈沉絕者有水可下之

問曰病下利後渴飲水小便不利腹滿陰腫者

何也。答曰。此法當病水。若小便自利。及汗出者。自當愈。

水之為病。其脈沉小。屬少陰。浮者為風。無水。虛脹者為氣。水發其汗。即已。沉者與附子麻黃湯。浮者與杏子湯。

心水者。其身重而少氣。不得卧。煩而躁。其陰大腫。

肝水者。其腹大。不能自轉側。脇下腹中痛。時時津液微生。小便續通。

肺水者。其身腫。小便難。時時鴨溲。

脾水者。其腹大。四肢苦重。津液不生。但若少氣小便難。

腎水者。其腹大。臍腫。腰痛。不得溺。陰下濕。如牛鼻上汗。其足逆冷。面皮瘦。一云大便反堅

師曰。諸有水者。腰以下腫。當利小便。腰以上腫。當發汗。乃愈。

師曰。寸口脈沉而遲。沉則為水。遲則為寒。寒水相搏。跌陽脈伏。水穀不化。脾氣衰。則鶩溲。胃氣

衰則身腫少陽脉革少陰脉細男子則小便不利婦人則經水不通經為血血不利則為水名曰血分

問曰病者若水面目身體四肢皆腫小便不利師脉之不言水反言胸中痛氣上衝咽狀如炙肉當微欬喘審如師言其脉何類師曰寸口脉沉而緊沉為水緊為寒沉緊相搏結在關元始時尚微年盛不覺陽衰之後榮衛相干陽損陰盛結寒微動緊氣上衝咽喉塞噎脇下急痛醫

以為留飲而大下之氣擊不去其病不除後重吐之胃家虛煩咽燥欲飲水小便不利水穀不化面目手足浮腫又與葶藶丸下水當時如小差ルハ飲食過度腫復如前胸脇苦痛象若奔豚其水揚溢則浮欬喘逆當先攻氣衝氣令止乃治欬欬止其喘自差先治新病病當在後言當先治本病也如治新病則病難

黃汗之病身體洪腫一作發熱汗出而渴而渴不狀如風水汗沾衣色正黃如蘗汁其脉自沉

問曰黃汗之病從何得之師曰以汗出入水中浴水從汗孔入得之黃者芍藥桂枝苦湯酒主之

黃汗之病兩脛自冷假令發熱此屬歷節食已汗出又身常暮卧盜汗出者此榮氣也若汗出已反發熱者久久其身必甲錯發熱不止者必生惡瘡若身重汗出已輒輕者久久必身瞶瞶則胸中痛又從腰上必汗出下無汗腰寬弛痛如有物在皮中狀劇者不能食身疼重煩躁小

便不利此為黃汗桂枝加黃耆湯主之寸口脈遲而濇遲則為寒濇則為血不足跌陽脈微而遲微則為氣遲則為寒寒氣不足則手足逆冷手足逆冷則榮衛不利榮衛不利則腹滿脇鳴相逐氣轉膀胱榮衛俱勞陽氣不通則身冷陰氣不通則骨疼陽氣前通則惡寒陰氣前通則脾不仁陰陽相得其氣乃行六氣一轉其氣乃散實則失氣虛則遺溺名曰氣分氣分心下堅大如盤邊如旋杯水飲所作桂枝去芍

藥加麻黃細辛附子湯主之。或枳實木湯主之。

平黃疸寒氣熱瘧脈證第九 九二十五條

凡黃候寸口脈近掌無脈口鼻竝不可治。

脈沉渴欲飲水小便不利者皆發黃。

腹滿舌痿黃躁不得睡屬黃家。

師曰病黃疸發熱煩喘胸滿口燥者以發病時

火劫其汗兩熱所得然黃家所得從濕得之。一

身盡發熱而黃肚熱熱在裏當下之。

師曰黃疸之病當以十八日為期治之十日以

上為差反劇為難治。

又曰疸而渴者其疸難治。疸而不渴者其疸可

治。發于陰部其人必嘔。發于陽部其人振寒而

發熱也。

師曰諸病黃家但利其小便假令脈浮當以汗

解之宜桂枝加黃耆湯。又男子黃小便利自當

與小建中湯。

黃疸腹滿小便不利而赤自汗出此為表和裏

實當下之用大黃黃蘗梔子芒消湯。

黃疸病。小便色不變。欲自利。腹滿而喘。不可除。熱熱除。必噦噦者。小半夏湯主之。

夫病酒黃疸。必小便不利。其候心中熱。足下熱。是其症也。

心中懊懣而熱。不能食。時欲吐。名曰酒疸。

酒黃疸者。或無熱。靖言了了。腹滿欲吐。鼻燥。其

脈浮者。先吐之。沉弦者。先下之。

酒疸。心中熱。欲嘔者。吐之即愈。

酒疸黃色。心下結實而煩。

酒疸下之。久久為黑疸。目青面黑。中心如噉蒜

薑狀。大便正黑。皮膚爪之不仁。其脈浮弱。雖黑

微黃。故知之。

寸口脈微而弱。微則惡寒。弱則發熱。當發不發

骨節疼痛。當煩不煩。而極汗出。跌陽脈緩而遲

胃氣反強。少陰脈微。微則傷精。陰氣寒冷。少陰

不足。穀氣反強。飽則煩滿。滿則發熱。客熱消穀

發已。復饑熱。則腹滿。微則傷精。穀強則瘦。名曰

穀寒熱。

陽明病脈遲者。食難用飽。飽則發寒。頭眩者。必小便難。此欲作穀疸。雖下之。腹滿如故。所以然者。脈遲故也。

師曰。寸口脈浮而緩。浮則為風。緩則為痺。痺非中風。四肢若煩。脾色必黃。瘀熱以行。

跌陽脈緊而數。數則為熱。熱則消穀。緊則為寒。食即滿也。尺脈浮為傷腎。跌陽脈緊為傷脾。風寒相搏。食穀則眩。穀氣不消。胃中苦濁。濁氣下流。小便不通。陰被其寒。熱流膀胱。身體盡黃。名

曰穀疸。

額上黑。微汗出。手足中熱。薄暮則發。膀胱急。小便自利。名曰女勞疸。腹如水狀。不治。

黃家日晡所發熱。而反惡寒。此為女勞。得之膀胱急。少腹滿。身盡黃。額上黑。足下熱。因作黑疸。其腹脹如水狀。大便必黑。時溇。此女勞之病。非水也。腹滿不可治。消石礬石散主之。夫瘡脈自弦也。弦數者多熱。弦遲者多寒。弦小緊者。可下之。弦遲者。可溫藥。若脈緊數者。可發

汗針灸之。浮大者可吐之。脉弦數者。風發也。以飲食消息止之。

瘧疾結為癥瘕。名曰瘧母。鼈甲煎丸主之。

瘧但見熱者。溫瘧也。其脉平。身無寒。但熱骨節

疼煩。時嘔。朝發暮解。暮發朝解。名曰溫瘧。白虎

加桂枝湯主之。

瘧多寒者。牡瘧也。蜀漆散主之。

平胸痺心痛短氣。賁脉。脉證第十 九五條

師曰。夫脉當取太過與不及。陽微陰弦。則胸痺

而痛。所以然者。賁其極虛也。今陽虛。知在上。膈

所以胸痺心痛者。以其脉陰弦故也。

胸痺之病。喘息欬唾。胸痺痛短氣。寸口脉沉而

遲。關上小緊數者。栝蒌薤白白酒湯主之。

平人無寒熱。短氣不足以息者。實也。

賁脉病者。從小腹起。上衝咽喉。發作時。欲死復

止。皆氣驚。得其氣上衝。胸腹痛。及往來寒熱。賁

脉湯主之。

師曰。病有賁脉。有吐膿。有驚怖。有火邪。此四部

病皆從驚發得之

平腹滿寒疝宿食脉證第十一九二十五條

跌陽脉微弦法當腹滿不滿者必下部閉塞大便難兩胠脚一云疼痛此虛寒從下上也當以溫藥服之病者腹滿按之不痛為虛痛者為實可下之舌黃未下者下之黃自去腹滿時減減復如故此為寒當與溫藥
跌陽脉緊而浮緊則為痛浮則為虛虛則腸鳴緊則堅滿

脉雙弦而遲者必心下堅脉大而緊者陽中有陰也可下之

病腹中滿痛為實當下之

腹滿不減減不足言當下之

病腹滿發熱數十日脉浮而數飲食如故厚朴

三物湯主之腹滿痛厚朴七物湯主之

寸口脉遲而緩遲則為寒緩則為氣氣寒相搏

轉絞而痛

寸口脉遲而澀遲為寒澀為無血

夫中寒家喜欠其人清涕出發熱色和者善嚏
中寒其人不和以裏虛也欲嚏不能此人肚中
寒一作痛

夫瘦人繞臍痛必有風冷穀氣不行而反下之
其氣必衝不衝者心下則痞

寸口脈弦者則脇下拘急而痛其人齋齋惡寒
也

寸口脈浮而滑頭中痛

跌陽脈緩而遲緩則為寒遲則為虛虛寒相傳

則欲食温假令食冷則咽痛

寸口脈微尺中緊而澀緊則為寒微則為虛澀
則血不足故知發汗而復下之也緊在中央知
寒尚在此本寒氣何為發汗復下之耶

夫脈浮而緊乃弦狀如弓弦按之不移脈數弦
者當下其寒

脇下偏痛其脈緊弦此寒也以温藥下之宜大
黃附子湯

寸口脈弦而緊弦則衛氣不行衛氣不行則惡

寒緊則不欲食。弦緊相搏。此爲寒疝。
跌陽脈浮而遲。浮則爲風。虛遲則爲寒。疝寒疝
繞臍痛。若發則自汗。手足厥寒。其脈沉弦者。
大烏頭湯主之。

問曰。人病有宿食。何以別之。師曰。寸口脈浮大
按之反澀。尺中亦微而澀。故知有宿食。
寸口脈緊如轉索。左右無常者。有宿食。
寸口脈緊。即頭痛風寒。或腹中有宿食。不化。
脈滑而數者。實也。有宿食。當下之。

下痢不欲食者。有宿食。當下之。
大下後。六七日不大便。煩不解。腹滿痛。此有燥
屎也。所以然者。本有宿食故也。
宿食在上脘。當吐之。

平五藏積聚脈證第十三 九十六條

問曰。病有積。有聚。有繫氣。繫一作穀。下同。何謂也。師曰。
積者。藏病也。不移。聚者。腑病也。發作有時。展轉
痛移。爲可治。繫氣者。脇下痛。按之則愈。愈復發。
爲繫氣。夫病已愈。不得復發。今病復發。即爲繫

氣也

諸積大法脉來細而附骨者乃積也作結一寸

積在胸中微出寸口積在喉中關上積在臍傍

上關上積在心下微下關積在小腹尺積在背

氣街脉出在左積在左脉出在右積在右脉兩

出積在中央各以其部處之

診得肺積脉浮而毛按之辟易脇下氣逆背相

引痛少氣善忘目瞑皮膚寒秋差夏劇主皮中

時痛如蟲緣之狀甚者如針刺時癢其色白

診得心積脉沉而芤上下無常處病胸滿悸腹

中熱面赤嗑乾心煩掌中熱甚即唾血主身癩

癰主血厥夏差冬劇其色赤

診得脾積脉浮大而長飢則減飽則見膜起與

穀爭減心下累累如桃李起見于外腹滿嘔泄

腸鳴四肢重足脛腫厥不能卧起主肌肉損其

色黃

診得肝積脉弦而細兩脇下痛邪走心下足腫

寒脇痛引小腹男子積疝女子癥淋身無膏澤

喜轉筋爪甲枯黑春差秋劇其色青
診得賢積脈沉而急苦脊與腰相引痛飢則見
飽則減小腹裏急口乾咽腫傷爛目眈眈骨中
寒主髓厥善忘其色黑

寸口脈沉而橫者脇下及腹中有橫積痛其脈
弦腹中急痛腰背痛相引腹中有寒疝瘕

脈弦緊而微細瘕也夫寒痺瘕瘕積聚之脈皆
弦緊若在心下即寸弦緊在胃管即關弦緊在
臍下即尺弦緊

一曰關脈弦長有積在臍左右上下也

又脈瘕法左手脈橫瘕在左右手脈橫瘕在右
脈頭大者在上頭小者在下

又法橫脈見左積在右見右積在左偏得橫實
而滑亦為積弦緊亦為積為寒痺為疝痛

內有積不見脈難治見一脈相應為易治諸不
相應為不治

左手脈大右手脈小上病在左脇下病在左足
右手脈大左手脈小上病在右脇下病在右足
脈弦而伏者腹中有瘕不可轉也必死不治

脈來細而沉時直者身有癰腫若腹中有伏梁
脈來小沉而實者胃中有積聚不下食食即吐

平驚悸衄吐下血胸滿瘀血脉證第十三

凡二十
三條

寸口脈動而弱動則為驚弱則為悸

跌陽脈微而浮浮則胃氣虛微則不能食此恐
懼之脈憂迫所作也驚生病者其脈止而復來
其人目睛不了了

寸口脈緊跌陽脈虛胃氣則虛寸口脈緊寒之

實也寒在上膈胸中必滿而噫胃氣虛者跌陽
脈浮少陽脈緊心下必悸何以言之寒水相搏
二氣相爭是以悸

脈得諸澀滯弱為亡血

寸口脈弦而大弦則為減大則為芤減則為寒
芤則為虛寒虛相搏此名為革婦人則漏下男
子則亡血

亡血家不可攻其表汗出則寒慄而振
問曰病衄連日不止其脈何類師曰脈來輕輕

在肌肉尺中自溢一云尺目睛暈黃必未止

暈黃去目睛慧了知衄今止

師曰從春至夏發衄者太陽從秋至冬發衄者

陽明

寸口脈微弱尺脈澀弱則發熱澀為無血其人

必厥微嘔夫厥當眩不眩而反頭痛痛為實下

虛上實必衄也

太陽脈大而浮必衄吐血

病人面無血色無寒熱脈沉弦者衄也

衄家不可發其汗汗出必額上促急而緊直視而不能胸不得眠

脈浮弱手按之絕者下血頻數者必吐血

寸口脈微而弱氣血俱虛男子則吐血女子則

下血嘔吐汗出者為可治

跌陽脈微而弱春以胃氣為本吐利者為可不

者此為有水氣其腹必滿小便則難

病人身熱脈小絕者吐血若下血婦人亡經此

為寒脈遲者胸上有寒噫氣喜唾

脈有手陽跌陽少陰脈皆微其人不可吐下必亡血

脈沉為在裏榮衛內結胸滿必吐血

男子盛大其脈手陽微跌陽亦微獨少陰浮大必便血而失精設言淋者當小便不利

跌陽脈弦必腸痔下血

病人胸滿唇痿舌青口燥其人但欲漱水不欲嚥無寒熱脈微大來遲腹不滿其人言我滿為有瘀血當出汗不出內結亦為瘀血病者如熱

狀煩滿口乾燥而渴其脈反無熱此為陰伏是瘀血也當下之

下血先見血後見便此近血也先見便後見血此遠血也

乎嘔吐噦下利脈證第十四 凡四十三條

嘔而脈弱小便復利身有微熱見厥者難治

跌陽脈浮者胃氣虛寒氣在上暖氣在下二氣相爭但出不入其人即嘔而不得食恐怖而死

寬緩即差

夫嘔家有癰膿者不可治嘔膿自愈

先嘔却渴者此為欲解先渴却嘔者為水停心

下此屬飲家

嘔家本渴今反不渴者以心下有支飲也

問曰病人脈數數為熱當消穀引食而反吐者

何也師曰以發其汗令陽微膈氣虛脈乃數數

為客熱不能消穀胃中虛冷故吐也

陽緊陰數其人食已即吐陽浮而數亦為吐

寸緊尺澀其人胸滿不能食而吐吐止者為下

之故不能食設言未止者此為胃反故尺為之
微澀也

寸口脈緊而芤緊則為寒芤則為虛虛寒相搏

脈為陰結而遲其人則噎關上脈數其人則吐

脈弦者虛也胃氣無餘朝食暮吐變為胃反寒

在于上醫反下之今脈反弦故名曰虛

跌陽脈微而澀微則下利澀則吐逆穀不得入

也

寸口脈微而數微則無氣無氣則榮虛榮虛則

寸口脈微而數微則無氣無氣則榮虛榮虛則

血不足。血不足則胸中冷。

跌陽脈浮而澀浮則為虛澀則傷脾脾傷則不

磨朝食暮吐暮食朝吐宿穀不化名曰胃反脈

緊而澀其病難治。

夫吐家脈來形狀如新卧起

病人欲吐者不可下之。

嘔吐而病在膈上後思水者解急與之思水者

猪苓散主之。

噦而腹滿視其前後知何部不利利之則愈。

夫六腑氣絕外者手足寒。上氣脚縮五藏氣絕

于內者下利不緊下甚者手足不仁。

下利脈沉弦者下重其脈大者為未止脈微弱

數者為欲自止雖發熱不死。

脈滑按之虛絕者其人必下利。

下利有微熱其人渴脈弱者令自愈。

下利脈數若微發熱汗自出者自愈設脈復緊

為未解。

下利寸脈反浮數尺中自澀其人必清膿血。

下利手足厥無脈。多之不溫。若脈不還。反微喘者死。

少陰負跌陽者為順也。

下利脈數而浮。一作令自愈。設不差其人必清

膿血。以有熱故也。

下利後脈絕。手足厥冷。碎時脈還。手足溫者生。

脈不還者死。

下利脈反弦發熱身汗者自愈。

下利熱者當利其小便。

下利清穀不可攻其表。汗出必脹滿。其藏寒者當溫之。

下利脈沉而遲。其人面少赤。身有微熱。千金方連下文

下利清穀必鬱胃。汗出而解。其人微厥。所以然者其面戴陽。下虛故也。

下利腹脹滿。身體疼痛。先溫其裏。乃攻其表。

下利脈遲而滑者實也。利未欲止當下之。

下利反脈滑者當有所去下乃愈。

下利差至其年月日時復發。此為病不盡。當復

下之。

下利而譫語為有燥屎也宜下之。

下利而腹痛滿為寒食當下之。

下利腹中堅者當下之。

下利後更煩按其心下濡者為虛煩也。

下利後脈三部皆平按其心下堅者可下之。

下利脈浮大者虛也以強下之故也設脈浮革。

因爾腸鳴當溫之。

病者痿黃躁而不渴胃中寒食而下利不止者。

死。

夫風寒下者不可下之。下之後心下堅痛脈遲。

者為寒。但當溫之。脈沉緊下之亦然。脈大浮弦。

下之當已。

平肺痿肺癰欬逆上氣淡飲脈證第十五

凡四十
二條

問曰熱在上膈者因欬為肺痿肺癰之病從何

得之師曰或從汗出或從嘔吐或從消渴小便

利數或從便難數被駛藥下利重亡津液故得

乏。寸口脉不出。反而發汗。陽脉早索。陰脉不澀。三
焦^{チチ}脚^{チチ}入而不出。陰脉不澀。身體反冷。其內反
煩。多吐唇燥。小便反難。此為肺痿。傷干津液。便
如爛瓜。亦如豚腦。但坐發汗故也。
肺痿其人欲欬不得。欬則出乾沫。久久小便
不利。甚則脉浮弱。
肺痿吐涎沫而不欬者。其人不渴。必遺溺。小便
數。所以然者。以上虛不能制下也。此為肺中冷。

必眩。多涎唾。甘草乾姜湯以温其藏。
師曰。肺痿欬唾咽燥。欲飲水者。自愈。自張口者。
短氣也。
欬而口中自有津液。舌上胎滑。此為浮寒。非肺
痿也。
問曰。寸口脉數。其人欬。口中反有濁唾。涎沫者。
何也。師曰。此為肺痿之病也。若口中辟辟燥。欬
則胸中隱隱痛。脉反滑數。此為肺癰。
欬唾膿血。脉數虛者。為肺痿。脉數實者。為肺癰。

問曰。病欬逆。脈之何以知此為肺癰。當有膿血吐之。則死。後竟吐膿。死。其脈何類。師曰。寸口脈微而數。微則為風。數則為熱。微則汗出。數則惡寒。風中于衛。呼吸不入。熱過于榮。吸而不出。風傷皮毛。熱傷血脉。風舍于肺。其人則欬。口乾喘滿。咽燥不渴。多唾濁沫。時時振寒。熱之所過。血為凝滯。蓄結癰膿。吐如米粥。始萌可救。膿成則死。

欬而胸滿振寒。脈數咽乾不渴。時時出濁唾腥臭。久久吐膿如梗米粥者。為肺癰。桔梗湯主之。肺癰胸滿脹。一身面目浮腫。鼻塞。清涕出。不聞香臭。酸辛。欬逆上氣。喘鳴迫塞。葶藶大棗瀉肺湯主之。

寸口脈數。跌陽脈緊。寒熱相搏。故振寒而欬。跌陽脈浮緩。胃氣如經。此為肺癰。問曰。振寒發熱。寸口脈滑而數。其人飲食起居如故。此為癰腫病。醫反不知。而以傷寒治之。病不愈。因唾以知有膿。膿之所在。何以別知其處。

師曰假冷痛在胸中者為肺癰其人脈數欬唾有膿血設膿未成其脈自緊數緊去但數膿已成也。

夫病吐血喘咳上氣其脈數有熱不得卧者死上氣面浮腫肩息其脈浮大不治又加利尤甚上氣燥而喘者屬肺脹欲作風水發汗則愈欬而上氣肺脹其脈沉心下有水水氣也。要畧千金外臺沉作浮夫酒家欬者必致吐血此坐極飲過度所致也欬家脈弦為有水可與十棗湯下之

欬而脈浮其人不可發汗三十日不食如是四十日乃已

欬而時發熱脈卒弦者非虛也此為胸中寒實所致也當吐之

欬家其脈弦行于吐藥當相入強弱而無熱乃可吐之

其脈沉不可發其汗

久欬數歲其脈弱者不可治實大數者不可治其脈虛者必苦冒其人本有支飲在胸中故也

治屬飲家。

問曰。夫飲有四。何謂也。師曰。有痰飲。一云有懸飲有溢飲。有支飲。問曰。四飲何以爲異。師曰。其人素盛。今瘦。水走腸間。漉漉有聲。謂之痰飲。飲後水流在脇下。欬唾飲痛。謂之懸飲。飲水流行歸于四肢。當汗出而不汗。出身體疼重。謂之溢飲。欬逆倚息短氣。不得卧。其形如腫。謂之支飲。留飲者。脇下痛。引缺盆。欬嗽轉甚。輒已云胸中有留飲。其人短氣而渴。四肢歷節痛。其脉

沉者有留飲。

夫心下有留飲。其人背寒。冷大如手。病者脉伏。其人欲自利。利者反快。雖利。心下續堅滿。此爲留飲。欲去故也。其遂半夏湯主之。病淡飲者。當以溫藥和之。心下有淡飲。胸脇支滿。目眩。其甘草湯主之。病溢飲者。當發其汗。小青龍湯主之。支飲亦喘而不能卧。加短氣。其脉平也。膈間支飲。其人喘滿。心下痞堅。面氣黧黑。其脉

沉緊得之數十日醫吐下之不愈木防已湯主之

心下有支飲其人苦冒眩澤瀉湯主之

嘔家木渴渴者為欲解今反不渴心下有支飲

故也小半夏湯主之

夫有支飲家欬煩胸中痛者不卒死至一百日

或一歲可與十棗湯

膈上之病滿喘欬吐發則寒熱背痛腰疼目泣

自出目泣自出一作目眩其人振振身瞤劇必有伏飲

夫病人飲水多必暴喘滿凡食少飲多心下水停甚者則悸微者短氣

脈雙弦者寒也皆大下後喜虛脈偏弦者飲也

肺飲不弦但喜喘短氣

病人一臂不遂時復轉移在一臂其脈沉細非

風也必有飲在上膈其脈虛者為微勞榮衛氣

不周故也久之自差一云冬自差

腹滿口苦乾燥此腸間有水氣也防已椒目葶

藶太黃丸主之

假令瘦人臍下悸吐涎沫而癩眩者水也五苓散主之。

先渴却嘔為水停心下此屬飲也半夏加茯苓湯主之。

水在心心下堅築短氣惡水不欲飲水在肺吐涎沫欲飲水水在脾少氣身重水在肝脇下支滿噓而痛水在腎心下悸。

平癰腫腸癰金瘡侵淫脈證第十六 凡十條
脈數身無熱內有癰也。一云腹無積聚身無熱脈數此為腸有膿。 意

茨附子敗醬湯主之。

諸浮數脈應當發熱而反洒淅惡寒若有痛處當發其癰。

脈微而遲必發熱弱而數為振寒當發癰腫。

脈浮而數身體無熱其形嘿嘿胸中微燥不知

痛之所在此人當發癰腫。

脈滑而數數則為熱滑則為實滑則為榮數則

為衛榮衛相生則結為癰熱之所過則為膿也

師曰諸癰腫欲知有膿與無膿以手掩腫上熱

者為有膿。不熱者為無膿也。

問曰：官羽林婦病，醫脈之，何以知婦人腸中有膿？為下之則愈。師曰：寸口脈滑而數，滑則為實，數則為熱，滑則為榮，數則為衛，衛數下降，榮滑上昇，榮衛相干，血為濁敗，小腹痞堅，小便或澀，或時汗出，或復惡寒，膿為已成。設脈遲緊，聚為瘀血，下之則愈。

腸癰之為病，其身體甲錯，腹皮惡按之濡如腫狀。

腸癰者，小腹腫，按之則痛，小便數如淋，時時發熱，自汗出，復惡寒，其脈遲緊者，膿未成，可下之，當有血，脈洪數者，膿已成，不可下也。太黃牡丹湯主之。

問曰：寸口脈微而澀，法當亡血，若汗出，設不汗，云何？答曰：若身有瘡，被刀器所傷，亡血故也。侵淫瘡從口起，流向四肢者，可治，從四肢流來入口者，不可治。

脈經卷之八終

月經不調之因
 一、血虛
 二、血熱
 三、血寒
 四、氣滯
 五、血塊
 六、崩漏
 七、帶下
 八、經閉
 九、經行腹痛
 十、經行不準

月經不調之症
 一、經水不調
 二、經水過多
 三、經水過少
 四、經水不準
 五、經行腹痛
 六、經行不暢
 七、經行不盡
 八、經行不勻
 九、經行不順
 十、經行不調

月經不調之治法
 一、調經
 二、補血
 三、清熱
 四、散寒
 五、理氣
 六、化塊
 七、止血
 八、止帶
 九、通經
 十、止痛

月經不調之方
 一、調經散
 二、補血丸
 三、清熱丸
 四、散寒丸
 五、理氣丸
 六、化塊丸
 七、止血丸
 八、止帶丸
 九、通經丸
 十、止痛丸

